

- je oslonjena na tlo, odnosno ne čini građevinu i nije dozvoljeno postavljanje/ugradivanje čvrste opreme, betoniranjem, zidanje na javnoj površini,
- pergola zatvorenog tipa sa tri ili sve četiri strane mora biti projektovana i postavljena tako da bočni elementi sa podnom platformom i sjenilom čine konstruktivnu cjelinu, da budu u funkciji ograde, zaštite od buke, izduvnih gasova, vjetra, kiše i drugih atmosferskih padavina i moraju biti transparentni i izrađeni od prozirnog i bezbjednog materijala s elementima za otvaranje u ljetnom periodu,
 - udaljenost perbole zatvorenog tipa od ivice kolovoza mora biti minimalno 3 m, od ivice javne površine za parkiranje vozila, susjedne perbole, pješačkog ulaza u zgradu, dvorišta, pasaža ili garaže minimalno 1,6 m,
 - osnov za izdavanje odobrenja za postavljanje bašte koja sadrži tendu je projekat koji uključuje staticki proračun konstrukcije izrađen od strane ovlaštenog lica odgovarajuće struke za projektovanje, koji sadrži: grafički prikaz bašte (tri projekcije i karakteristični presjeci) sa razmještajem svih elemenata koji je čine u razmjeri 1:50 - 1:100, prikaz elemenata bašte (crtež, fotografija, prospekt), tehnički opis elemenata bašte i načina montaže, za koje je potrebno pribaviti saglasnost zaštite od požara i eksplozije, zaštite na radu.

Visina naknade za korištenje javne površine, ukoliko se na lokaciji nalazi montažno- demontažna konstrukcija zatvoreni tip za period od 01.01. do 31.12. tekuće godine mjesечно za 1 m² iznosi:

- prva zona	7 KM/m ²
- druga zona	6 KM/m ²
- treća zona	4 KM/m ²
- četvrta zona	3 KM/m ²
- peta zona	2 KM/m ²

Visina naknade za korištenje javne površine, ukoliko se na lokaciji nalazi montažno- demontažna podloga ili montažno-demontažna konstrukcija otvoreni tip utvrđuje se kao i za postavljanje stolova uz ugostiteljski objekat.

Član 2.

Rješenja o privremenom korištenju javnih površina izdata do stupanja na snagu ove Odluke, ostaju na snazi do isteka roka utvrđenog u rješenju.

Član 3.

Ova Odluka stupa na snagu osmog dana od dana objavljivanja u "Službenim novinama Kantona Sarajevo".

Broj 01-02-2107/23
30. novembra 2023. godine
Vogošća

Predsjedavajući
Općinskog vijeća Vogošća
Avdo Gljiva, s. r.

Na osnovu člana 13. stav 1. Zakona o prekršajima protiv javnog reda i mira ("Službene novine Kantona Sarajevo", broj 18/07, 7/08 i 34/20) i člana 70. stav 1. tačka 2. Statuta Općine Vogošća ("Službene novine Kantona Sarajevo", broj 27/14 - Prečišćeni tekst, 14/15 i 9/20), Općinsko vijeće Vogošća, na sjednici održanoj 30.11.2023. godine, donijelo je

ODLUKU O IZMJENAMA I DOPUNAMA ODLUKE O PREKRŠAJIMA PROTIV JAVNOG REDA I MIRA

Član 1.

U Odluci o prekršajima protiv javnog reda i mira ("Službene novine Kantona Sarajevo", broj 42/07, 8/08, 10/15 i 23/22) iza člana 5. dodaje se novi član 5a. koji glasi:

Član 5a.

- (1) Korištenje akustičnih uređaja (za emitovanje muzike i govora) u zatvorenom prostoru i na otvorenom prostoru, regulisano je odredbama člana 18. i 19. Zakona o zaštiti od buke ("Službene novine Kantona Sarajevo", broj 23/16).
- (2) Obaveza investitora - vlasnika ugostiteljskog objekta je da pribavi Stručno mišljenje o zaštiti od buke izdato od strane akreditiranih pravnih lica, akreditiranih laboratorijskih instituta ili Instituta za akreditiranje.
- (3) Obaveza investitora - vlasnika ugostiteljskog objekta je da se pridržava pribavljenog Stručnog mišljenja o zaštiti od buke izdatog od strane Akreditiranih pravnih lica, kreditiranih laboratorijskih instituta ili Instituta za akreditiranje.
- (4) Za poslovne prostorije koje se nalaze u stambeno-poslovnoj zgradi kolektivnog stanovanja, za bašte ispred ugostiteljskih objekata i slobodno stojčeće otvorene ljetne baste, za korištenje akustičnih uređaja (za emitovanje muzike) u okviru stručnog mišljenja o zaštiti od buke potrebno je da se izvrši ugradnja uređaja elektronskog regulatora - ograničavač nivoa reprodukcije zvuka.

Član 2.

U članu 5. stav (3) tačka n) mijenja se i glasi:

- "n) U objektima u kojima se obavlja ugostiteljska djelatnost određuje se završetak radnog vremena najkasnije do 24,00 sata
- Odredba iz prethodnog stava odnosi se i na radno vrijeme ljetnih bašti ispred ugostiteljskog objekta, kao i na slobodno stojčeće otvorene baste
 - U objektima u kojima se obavlja ugostiteljska djelatnost a koji se nalaze u sklopu zgrada kolektivnog stanovanja, određuje se završetak radnog vremena do 23,00 sata."

Član 3.

Ova Odluka tupa na snagu osmog dana od dana objavljivanja u "Službenim novinama Kantona Sarajevo".

Broj 01-02-2111/23
30. novembra 2023. godine
Vogošća

Predsjedavajući
Općinskog vijeća Vogošća
Avdo Gljiva, s. r.

Općinski načelnik

Na osnovu člana 71. i 125. Statuta Općine Vogošća ("Službene novine Kantona Sarajevo", broj 27/14 - Prečišćeni tekst, 14/15 i 09/20) i člana 20. Odluke o izvršavanju Budžeta Općine Vogošća za 2023. godinu ("Službene novine Kantona Sarajevo", broj 2/23), općinski načelnik donosi